

Newspaper	Utusan Malaysia
Date	2 January 2016



♥ 198,744 Likes to 96 posts in 2015

NAJIB TUN RAZAK mengabadikan detik-detik paling bermakna dalam hidupnya melalui paparan beberapa gambar dalam akaun Instagram beliau.

PM abadikan gambar detik paling bermakna

KUALA LUMPUR 1 Jan. - Perdana Menteri, Datuk Seri Najib Tun Razak mengabadikan detik-detik paling bermakna dalam hidupnya melalui paparan sembilan gambar dalam akaun Instagram beliau.

"Detik-detik paling bermakna saya di Instagram. Insha-Allah semoga lebih banyak lagi pada tahun baharu 2016 nanti," katanya menerusi akaun Instagram beliau malam tadi.

Antara gambar yang mencuit tumpuan adalah kenangan Najib sekeluarga bersama ayahandanya, Allahyarham Tun Abdul Razak Hussein serta Perdana Menteri mengucapkan selamat menyambut ulang tahun kelahiran ke-82 kepada ibunya, Tun Rahah Mohamed Noah pada Jun lalu.

Turut dikongsikan, gambar Najib dan ayahandanya menghadap

Yang di-Pertuan Agong, Tuanku Abdul Halim Mu'adzam Shah.

Perdana Menteri juga mengabadikan detik beliau bersama Sultan Johor, Sultan Ibrahim Sultan Iskandar ketika baginda mencemar duli berangkat ke majlis sambutan Hari Kemerdekaan Singapura pada Ogos lalu.

Detik-detik istimewa Najib yang lain adalah menyambut Aidilfitri bersama bekas Perdana Menteri, Tun Abdullah Ahmad Badawi, mendukung Nor Ashman ketika anak lelakinya itu masih kecil dan makan tengah hari bersama anak perempuannya, Nooryana Najwa.

Beliau turut merakamkan perasaan bangga melihat Jalur Gemilang serta kegembiraannya dengan kelahiran anak panda di Zoo Negara pada 18 Ogos lalu.

UM - 2/1/2015